

EDEMA DLA PROZESCIUN DE JEUNN

I me confortâ canch'an me dijô: „ I jun sô tla ciasa dl Signur, nosc Dî“

Sciöche cristians junse por le tru dla fede adincuntra a nosta patria pro Chël Bel Dî. Chësc nes recorda en chëst'edema dantadöt la Prozesciun de Jeunn.

I jun por le tru de nosta vita - y insciö inće en Jeunn - nia da susc, mo deboriada:

- Dantadöt ti junse do al sëgn dla crusc, ciaran sön Gejú Crist, che vëgn cun nos y che é amesa ite olache tui o trëi é abiná te so inom.
- I jun deboriada, cun nosc compagn, cun le grup de ëi de nosta ploania y cun chi de döta la valada en oraziun: laldan, ringraziän y perian Idî inće un por l'ater.
- I jun cun le pinsier a nüsc familiars y a nüsc vijins, vis y defunc, che nes á perié de se recordé de ëi; un o l'ater nes á dessigü metü a cör na intenziun particulara. I orun ester de parora y ne ti tó nia la crëta a chi che cunta sön nosta oraziun.
- Ince chi che é restá a ciasa periunse de s'uní cun nos tl'oraziun en chisc dis da sëra pro la corona. Bel fóssel sce la corona gniss dita en chëst'edema ince tles families y nia ma da nos sô tru de en Jeunn. La oraziun deboriada ciafa vita.
- I jun cun le pinsier ala **Comunità de nosta Ploania**, a siur ploan y a düc chi che fej n sorvisc tla comunità. I periun che Idî tēgnes adöm nosta comunità tla fede, tla speranza y tl amur. I periun do vocaziuns. Idî chërda vignun: al nes deures les orëdles y i edli, da ascuté süa usc y da ti jí do cun entusiasim y ligrëza.
- Liá ite tla prozesciun dles 12 ploanies periunse por **l'Unité Pastorala dla Val Badia**, ch'i imparunse da jí a öna y da combiné adöm i talënc, les forzes y les bunes idees, y insciö da ti dé vita ala fede da jogn insö por jí confidënc tl dagní.
- I jun cun le pinsier ala **Dlijia de nosta Diozeja**, a chëra ch'i se liun propi cun chësta prozesciun, jon sön le santuar di pröms vëschì de nosc raiun. I periun por la Sinoda, por nosc Vëscö y por düc sü colauradus, che le Spirit Sant nes motivëies y animëies cun so fuch y so fle tla testimonianza dl amur y dla misericordia de Dî.
- I jun cun le pinsier ala **Dlijia mondiala**, ai cristians de döt le monn. La Dlijia passa fora por tēmps de de gran mudaziuns y de porsecuziuns. I periun por le papa, i vëschì, i proi y düc chi che dedichëia süa vita ala noela dl rëgn de Dî.

I periun che Idî ti dais a nosc monn la pesc ch'i podunse le laldè, le ringrazié y le sorví, por interzesciun de Santa Maria, de Sant Ujöp da Oies, di sanc de nosta Diozeja y de düc i agnui y i sanc a chi ch'i se sintiun liá, por Gejú Crist, nosc Signur, tla forza dl Spirit Sant. Amen.

EDEMA DLA PROZESCIUN DE JEUNN

I me confortâ canch'an me dijô: „ I jun sô tla ciasa dl Signur, nosc Dî“

Sciöche cristians junse por le tru dla fede adincuntra a nosta patria pro Chël Bel Dî. Chësc nes recorda en chëst'edema dantadöt la Prozesciun de Jeunn.

I jun por le tru de nosta vita - y insciö inće en Jeunn - nia da susc, mo deboriada:

- Dantadöt ti junse do al sëgn dla crusc, ciaran sön Gejú Crist, che vëgn cun nos y che é amesa ite olache tui o trëi é abiná te so inom.
- I jun deboriada, cun nosc compagn, cun le grup de ëi de nosta ploania y cun chi de döta la valada en oraziun: laldan, ringraziän y perian Idî inće un por l'ater.
- I jun cun le pinsier a nüsc familiars y a nüsc vijins, vis y defunc, che nes á perié de se recordé de ëi; un o l'ater nes á dessigü metü a cör na intenziun particulara. I orun ester de parora y ne ti tó nia la crëta a chi che cunta sön nosta oraziun.
- Ince chi che é restá a ciasa periunse de s'uní cun nos tl'oraziun en chisc dis da sëra pro la corona. Bel fóssel sce la corona gniss dita en chëst'edema ince tles families y nia ma da nos sô tru de en Jeunn. La oraziun deboriada ciafa vita.
- I jun cun le pinsier ala **Comunità de nosta Ploania**, a siur ploan y a düc chi che fej n sorvisc tla comunità. I periun che Idî tēgnes adöm nosta comunità tla fede, tla speranza y tl amur. I periun do vocaziuns. Idî chërda vignun: al nes deures les orëdles y i edli, da ascuté süa usc y da ti jí do cun entusiasim y ligrëza.
- Liá ite tla prozesciun dles 12 ploanies periunse por **l'Unité Pastorala dla Val Badia**, ch'i imparunse da jí a öna y da combiné adöm i talënc, les forzes y les bunes idees, y insciö da ti dé vita ala fede da jogn insö por jí confidënc tl dagní.
- I jun cun le pinsier ala **Dlijia de nosta Diozeja**, a chëra ch'i se liun propi cun chësta prozesciun, jon sön le santuar di pröms vëschì de nosc raiun. I periun por la Sinoda, por nosc Vëscö y por düc sü colauradus, che le Spirit Sant nes motivëies y animëies cun so fuch y so fle tla testimonianza dl amur y dla misericordia de Dî.
- I jun cun le pinsier ala **Dlijia mondiala**, ai cristians de döt le monn. La Dlijia passa fora por tēmps de de gran mudaziuns y de porsecuziuns. I periun por le papa, i vëschì, i proi y düc chi che dedichëia süa vita ala noela dl rëgn de Dî.

I periun che Idî ti dais a nosc monn la pesc ch'i podunse le laldè, le ringrazié y le sorví, por interzesciun de Santa Maria, de Sant Ujöp da Oies, di sanc de nosta Diozeja y de düc i agnui y i sanc a chi ch'i se sintiun liá, por Gejú Crist, nosc Signur, tla forza dl Spirit Sant. Amen.

